

池州府志卷第八十六

中憲大夫知江南池州府事加六級襄平馬世永編纂

列女傳上第二十九

吳孝娥大帝時其父為池州鐵官鐵入冶不鎔鎔法當死

娥憂之遽躍入冶骨化鐵遂鎔浮其履爐面時人號曰

聖姑又號仙姑為立廟以祀見張績南征賦
載山川志中

唐石埭桂氏名金釵父盛築七里礮礪路示黃巢不寇

里中女被獲欲汚之女給賊出戶投井死里人號其井

曰金釵井春秋陳豆祀之歲三月有結茅為舟載稻菽

至井旁禱穰以却疫者

宋貴池黃奉先父官太尉陷西涼及奉先年十八憫其父之久陷於賊也挺身入西涼挾之返朝命進其父秩並加賚焉

元青陽甯天驥妻胡氏婚逾年夫死舅姑欲嫁之不可守節六十年歿朝命旌之

銅陵俞子全妻鍾氏年二十生子允甫三月而夫亡守節至年八十歿

俞允妻章氏即鍾氏媳也允天無子章氏年亦僅二十或勸之改適章氏曰吾姑一生苦節今老矣吾去誰爲養者遂守志終身焉

明銅陵趙仲成妻阮氏銅陵姚添麟妻潘氏皆洪武中旌表守節者

貴池禮部侍中黃觀妻翁氏及二女從觀在京邸方成祖靖難至京城觀已徵兵江上命收觀妻女給配象奴象奴至翁氏持釵珥給之市酒脯出即乘間攜二女并家屬十餘人投通濟門橋下死其屍順流至賽洪橋水中母女相抱而立面色如生始有爲之薄衣者天順中其破棺猶存柳林內金陵青溪居民私建黃公及夫人祠祀之弛禁後福清葉高始爲祠記池州羅刹磯有黃公祠府城九華門外亦有公祠城內有三忠六烈祠

另見秩祀志

章佳英貴池章氏處女也幼孤依兄嫂兄以逋賊竄死遺孤在抱佳英令其嫂攜之匿外族而終身不字陰護其姪長致家政焉

貴池汪多姑及笄未字止一弟甫三歲而父母俱歿多姑撫其弟終身不嫁焉

石埭陳恂妻王氏年二十四撫孤守節至年八十五歿成化二年詔旌之

石埭蘇珣妻曹氏年十九甫婚八月而夫亡守節至老成化間詔旌之

青陽行人陳祖妻何氏以夫使楚道卒守節終其身成化中詔旌之

貴池人張鑑妻孫氏年三十守節四十八年成化中詔旌之

貴池姜振妻趙氏年二十守節五十年而歿

貴池朱彥明妻唐氏貴梅以孝烈著成都楊慎爲之傳曰烈婦姓唐氏名貴梅池州貴池人也笄年適朱姓夫貧且弱有老姑悍且淫少與徽州一富商有私弘治中富商復至池一見婦悅之自拊心曰吾無頭風何以老婦虛拘哉乃密以金帛賂其姑姑利其有誨婦淫者以

百端弗聽迫之弗聽加以箠楚弗聽繼以炮烙體無完
膚終不聽乃以不孝訟於官通判慈溪毛玉受商之賂
倍加官刑幾死者數商猶慕其色冀其改節復令姑保
出之親黨咸勸其吐實婦曰若然全吾名而污吾姑非
孝也乃夕易袿襦雉經於後園古梅樹下及旦姑不知
之也將入其室撻之手持桑杖且罵且行曰惡奴早從
我言又得金帛且享歡樂今定何如而自苦乎入室無
見尋之至樹下乃知其死姑大慟哭之親黨咻之曰生
既以不孝訟之死乃稱嫗心何哭之慟姑曰婦存吾猶
有望婦死商人必倒贓吾哭金帛不哭此惡奴也尸懸
於樹三日顏如生樵夫牧兒咸爲墮淚每歲梅月之下
隱隱見其形冉冉而沒有司以礙于府官之故終不舉
余舅氏喻士積薄遊至池州稔聞其事作詩弔之歸屬
慎爲傳其事嗚呼婦生不辰遭此悍姑生以梅爲名死
於梅之株冰操霜清梅乎何殊既孝且烈汗青宜書有
司失職咄哉可吁乃爲作傳以附露筋碑之跼嘉靖初
祀忠烈祠

建德柯鄉妻黃氏年二十二守節至年八十六歿弘治
六年詔旌之

貴池康紋女清姑正德六年年十七父老兄病值流賊

劉七等掠江上父方攜子女避賊出與賊遇執父刃其背血流及踵姑泣請釋公願以身從賊釋父使攜病子去清姑故徐行度父已遠遂罵賊躍入水中賊鈎之起姑罵益厲賊怒亂刃交下猶罵不絕口賊斷其肢爲四以死嘉靖初祀忠烈祠

貴池柯廷玉妻曹氏夫亡扶櫬出殯回亦自經死

青陽人程逕妻吳氏年二十夫亡遺腹生一子撫之至老正德十三年詔旌之

青陽李賦妻陳氏年二十四夫亡自刺一目誓守至老正德十三年詔旌之

青陽何文宇妻江氏夫亡自縊死

青陽施皖妻陳氏年十六夫亡無子守節至八十餘歿銅陵包與賢妻余氏自少守節撫孤至九十餘歿

銅陵余謂道妻李氏事姑孝姑病剖肝爲羹進之姑病差愈而李以劬甚歿

銅陵監生徐文輔妻李氏年二十四撫孤守節至八十四歿正德中詔旌之

銅陵余寅妻陳氏婚二載而夫亡守節三十年歿石埭桂智妻李氏年二十守節至老詔旌之

建德人金濟妻陳氏年二十守節至八十七歿詔旌之

建德曹尚仁妻馮氏自夫病刲股以進不效歿守節五十六年詔旌之

東流章嵩妻劉氏年十九甫婚七日而夫亡守節至七十餘歿

建德童傳妻陳氏年二十守節至六十歿詔旌之

建德江勝昌妻趙氏年十八守節五十餘年歿詔旌之

建德劉玘妻井氏自夫病刲股進藥勿瘳歿無子守節至老詔旌之

建德金波妻檀氏年二十守節至八十歿

東流宋奎宗妻汪氏年二十守節克終事姑亦孝人稱之

東流周氏女清香年十四許字同邑阮廷柏廷柏溺死女設位以哭遂扃戶不見人守節以老詔旌之

銅陵徐正祿妻章氏適夫三月夫故守節至八十餘歿

貴池葉恒泰妻孫氏年十八撫孤守節嘉靖間詔旌之

貴池周世祚妻汪氏秀姑早喪夫無子誓守節即斷髮

剜面以見靡他而竭力事其姑劉氏歷五十餘年歿嘉

靖間旌之
貴池管氏女蓮姑許字同邑胡邦賢未婚夫卒姑願往依其舅姑請立後守節垂三十年歿

貴池周世祥妻郎氏侍夫疾盡瘁及夫卒事繼姑立嗣子以節孝稱

青陽徐仕昂妻黃氏年二十二守節至七十七歿

青陽王淵妻徐氏年二十一守節三十年歿

貴池陶冶妻郎氏早喪夫撫孤守節一日病其子延醫診之不肯以臂就醫診卒學使耿定向褒之

青陽吳倬妻程氏年二十三守節終身嘉靖中憲使獎之

青陽孫永瑞妻藍氏年二十七守節至七十歿嘉靖中學使耿定向給粟帛獎之

貴池胡瀛妻丁氏早寡窶甚執節課子嘉靖中巡按宋公督學耿公並旌之

貴池袁州守陳鈇繼室馮氏與其妻周氏並守苦節以老當時重之

青陽劉士林妻董氏年十九守節至八十餘各院使俱有旌表

貴池胡鑑妾董氏年二十七守節撫孤子婦儲氏亦年二十七喪其夫與姑同節至老而歿郡守馮叔吉獎之貴池曹桂妻杜氏年二十四夫亡無子誓守志而慮其翁之無後也諷姑爲翁納妾生一子爲乳之長復俟其

生子以爲嗣宗黨莫不歎美之

貴池夏肪妻胡氏年二十五守節撫孤其孤受室而夭又撫其孫女嫁而後歿臺使旌之

貴池方榮妻夏氏即胡氏孫女也嫁甫期而夫亡以節自勵臺使旌之

貴池呂一麟妻王氏年二十三守節以終

貴池吳景春妻虞氏年二十三守節四十餘年歿

貴池桂經妾劉氏年二十七守節三十餘年歿

貴池鞏深妻柯氏年二十九偕其妾吳氏鮑氏並守節以老

貴池彭鈞妻王氏年二十五守節其子婦劉氏亦年二十六守節里黨並傳之

貴池胡銑妻馮氏年二十七守節至七十二歿臺使旌之

貴池章時獻妻柯氏年十九夫亡一子生僅八月有欲奪其志者柯必不可乃守節七十餘年歷九十餘歲歿

貴池桂廷芳繼妻李氏年二十五守節其子婦柯氏亦年二十七守節里中稱之

貴池陳翼妻檀氏年二十守節至七十餘歿臺使旌之
貴池章一佑妻吳氏年十八夫亡守節事姑舅撫孤至

生子而歿又撫孫成立至八十餘終

貴池戴孟仁妻江氏年二十五守節至八十五歿

貴池李顯祥妻檀氏年二十八守節撫孤歷五十餘年
族黨欲請旌表愀然曰如是乃重吾之不幸也聞者益
避之

貴池胡翰忠妾江氏玉容年二十一夫亡有強之改適
者即自經死

貴池李東明妻檀氏年十九守節至九十歿

青陽孫大賓妻倪氏年十六夫亡無子而寡甚父母及
姑欲改嫁之乃截髮斷指以矢守節至七十九而歿各
院使俱歲有旌給

青陽劉紈妻汪氏年二十一夫亡養姑鞠子歷五十餘
年萬曆三十一年詔旌之

青陽孫鏞妻方氏早孀事舅姑鞠子成立至七十九歿
青陽陳恕妻王氏年二十七守節至老無他心縣旌之
青陽甯以讚妻施氏年十九守節至七十縣旌之

青陽施應臣妻王氏年十九守節撫孤至七十六詔旌
之

青陽方梗妻章氏早孀無子事舅姑立嗣子守節至八
十八歿各院旌之

青陽孫繼元妻汪氏年十七夫亡翁姑繼歿夫一弟在襁褓撫之成立至老一節縣旌之

青陽陳天意妻曹氏自夫病割股和羹而不能救及居喪毀容斷髮刻木以奉各院旌之

青陽姜儼妻吳氏年二十夫亡矢志不奪及葬廬墓終身邑人施達傳之

青陽江鉞妻徐氏年十九夫亡自閉一室垂鈴於簾幃以警出入至七十四始終一節焉歿之日假手男子以爲含襚忽掙目曰爾何人敢爲我殮邪言訖而瞑

青陽徐文舉妻吳氏年十九守節撫孤竭力營二姑殯至六十八歿節使旌之

青陽熊鎡妻張氏年二十三夫亡事兩繼姑以孝撫二子俱有成至七十餘始終一節郡縣交旌之

青陽鮑其昌女適吳氏子其姑誨之淫不聽逼杖之夜赴清水潭溺死時盛夏陳屍三日顏色如生

青陽章嘉姑字于曹未嫁夫卒即剪髮居一樓積十餘年不一下及父母連喪遺三弟俱幼乃持家政漸致饒益及弟長還之族黨莫不歎其貞行

青陽吳文和妻江氏方嫁其夫已有痼疾積二十二年夫卒父母欲改嫁之遂截髮毀形自閉一室而孝事其

舅姑勿間也歷年九十三歿

青陽謝氏婦桂慈香石埭桂譯女也年十九夫亡鬻釵
珥置田十畝以立嗣子事翁姑焉有富人曹氏慕其賢
欲娶爲子婦慈香不可乃厚賂其父兄謀奪之慈香憤
自縊其家救之甦守節至八十歿畢恭介公爲之傳
青陽劉紹卿妻羅氏年二十守節至八十餘邑令獎之
銅陵余敷中妻陳氏年十八守節育孤至八十餘歿
銅陵余鐸妻汪氏年十七夫亡無子爲立嗣守節至八
十歿

銅陵余繼通妻章氏年二十六守節撫嗣子至老歿
銅陵陳所貽妻余氏年十六守節撫孤子至老邑令旌
之

銅陵周允嘿妻蘇氏年二十守節至七十歿

銅陵庠生張治化妻孫氏年二十二守節竭力事翁姑
養孤子至六十四歿

銅陵錢拱麟妻周氏年二十五守節孝事翁姑鞠遺腹
子至六十終

銅陵素應元妻查氏年二十守節事孀姑撫孤子至老
不渝歿

石埭陳萃妻桂氏年二十二守節撫二孤成立鄉里稱

之

石埭陳紀妻桂氏年二十五守節撫諸孤族黨敬之

石埭谷通應妻胡氏年二十五守節以歿

石埭施甫妻曹氏年二十四守節撫孤族黨交敬之

石埭沈永秀妻桂氏年二十四守志事翁姑以節孝稱

石埭沈旭安妻張氏年二十四守志撫孤歷久一節

石埭章英妻楊氏年二十夫亡撫遺腹子受室而夭又

撫二孫至七十歿

石埭桂九花女保姑幼許字李岩護及長李氏家日落

九花以女另字舒氏女聞之即自經父母救之甦復不

食數日密縫其所衣袿襦服毒而絕

石埭桂佐妻蔣氏年二十四夫亡家甚窘竭力養其翁

翁歿昇櫬過一吉壤索忽斷遂葬於其地人以爲節孝

所感云

石埭桂一鵬妻章氏年二十三守節有欲奪其志者卒

不可足不踰壺闕者五十餘年歿畢恭介公有文弔之

石埭貢生沈漢妾胡氏年十八夫亡止一女堅志不改

適人竊笑之胡氏曰節未嘗以貴賤限也遂守節至八

十一歿

石埭沈宗望妻高氏年二十夫亡遺孤纔數月即毀容

守節五十餘年歿

石埭陳廷聯妻沈氏年十八守節至八十九歿

石埭庠生蘇煦妻沈氏年十八守節至老歿詔旌之

石埭陳遠視妻楊氏年二十四守節事翁姑撫孤子四十餘年歿

石埭沈氏女新弟幼許字涇縣查一球未婚夫夭其父復以之字同邑湯氏子及娶女誓死不往湯姓怒訟之錢太守檟太守許聽女終守女乃往查氏成服哭其夫奉姑至老其所居室每年有孤燕棲之

建德江大烈妻路氏年二十夫亡無子守節六十年至八十一歿叔大任自九歲爲所撫以成名者也

建德童文亨妻李氏年十九夫亡子又殤貧甚父母欲改嫁之不從益孝事其姑姑病割股療之邑以節孝請旌表至八十二終

建德太學江大派妻汪氏年十九夫亡無子誓以死守至八十一歿

建德檀時中妻陳氏年十七夫亡生子武臣纔數月父母欲改嫁之乃截髮髻面以誓必守且孝事其翁姑撫子成武進士詔旌其節

建德江齊之妻胡氏年少夫亡無子守節至八十歿隆

慶間憲使旌之

建德胡其信妻江氏年二十一守節至五十歲其遺腹
子士昌崇禎間成進士疏陳母節詔旌之

建德進士檀之堅妻高氏聞夫卒京邸痛哭欲自盡以
從因有孕中止既而產一女遂絕食七日死崇禎間詔
旌之

建德鄭如奎妻黃氏年二十守節奉孀姑李氏同受艱
苦至八十六歿孫三謨崇禎間官京師疏陳其節詔旌
之

東流張廉名妻方氏年少守節至於老詔旌之
東流張廉德妻李氏年十九守節撫遺孤以老

貴池舒琦妻王氏年二十餘守節至八十二歿巡按褒
之

貴池許維坤妻董氏年二十餘守節至八十餘歿巡按
褒之

貴池陶與文妻林氏年二十三而寡子婦吳氏年二十
一而寡吳氏子婦張氏年二十而寡與文弟與洪妻倪
氏年二十而寡姪軫婦董氏年二十五而寡姪孫冶婦
郎氏年二十四而寡並以苦節終鄉黨憐而敬之

貴池陳禾繼妻朱氏嫁禾未生子而禾率前妻所生二

子出道亡長子亦隨卒次子扶二櫬返里其叔利禾貲誣次子道殺父兄朱氏爲截一指庭白其冤太守錢公櫬感動而生全之朱氏守節五十一年歿

貴池庠生吳國理妻檀氏年二十四守節至七十歿有司旌之

貴池朱絃妻李氏年十九守節撫孤歷五十餘年郡縣交旌之

貴池鮑光恩妻劉氏年十七其夫爲贅婿夫邁劇疾侍湯藥者數月乃亡亡後歸夫家手繪柏舟圖及烈婦唐

貴梅像奉之以見志貴池柯之字妻儲氏早喪夫躬紡績以事孀姑鞠孤子至六十三歿

貴池庠生吳應斗妻洪氏年二十一守節至終

貴池洪邦國妻汪氏年十九夫客死于粵及櫬歸慟哭自縊死天啓五年詔旌之

貴池李希說妻舒氏年二十守節訓二子成立歷年九十歿院道旌之

貴池董棨妻汪氏年二十四守志撫三子俱長舉二孫而三子相繼歿氏又撫二孫至八十終

貴池董臬妻桂氏及笄歸臬五載而臬卒守節踰六十

終巡按旌之

貴池董成祥妻陳氏年少喪夫攜一子侍翁姑遠宦西
粵扶姑櫬歸凡三十年守一節鄉黨稱之

貴池呂應奎妻李氏年二十守節至五十終

貴池李萃春妻曹氏年十八夫亡欲自盡姑止之乃鬻
簪珥爲夫營高冢併留一穴于其旁自是足不出戶以
至歿

貴池韓俊妻柯氏年十九守節至八十終

貴池宋某婦陳氏嫁二年而寡夫兄迫令改適一富家
子氏聞其期即具湯沐浴畢閉戶自經繩斷不絕復引

紡車鐵鉤自刺可口道皆旌其節

貴池已巳年二十其父總戎元憲贅壻孫時揚于家
中接疾女割股進之勿效歿女號慟截髮以其半納棺
中以其半寄姑以明無他志由是屏棄膏沐閉一室至
七十餘歿詔旌其節

貴池武弁施大義妻檀氏年二十五值夫死軍中百計
歸其屍守節訓子至老而歿

貴池陳正朋妻施氏年二十守節至老臺使旌之

貴池賁宗堯妻羅氏年十九守節至六十九憲使旌之
貴池李莊妾趙氏年二十二守節撫孤歷三十年歿

貴池王承典妻柯氏年十九夫亡無子竭力奉其姑姑
歿竭力殯殮而身無完衣旬不再食以爲常巡按旌之
貴池唐考妻吳氏年十八守節至四十餘歿

貴池董某妻丘氏年二十九守志奉孀姑撫孤子至老
一節閭里重之

貴池胡允修妻柯氏年十九守節至七十二訓嗣子士
瑾成進士疏陳苦節詔旌之

貴池羅人俊妻陳氏年二十二守節至終其身

貴池呂自燠妻汪氏年十六守節至終其身臺使旌之

貴池桂廷軒妻谷氏年二十餘守志撫孤孝養勿解當
屢旌之

貴池吳國賢妻李氏年十七守節至七十兵憲旌之

貴池吳懷松妻劉氏年二十餘守志課子至老一節邑
令屢旌之

貴池吳達周妻彭氏年二十餘守節至終其身

貴池施立志妻黃氏年二十喪夫生子財逾啐截髮白
矢守節撫孤至八十餘歿

貴池李達妻某氏夫亡無子女適欲嫁之不從遂偕守
以老

貴池吳宜周妻儲氏年十八守節至八十而終

貴池吳閏妻陳氏年十九守節至終其身

貴池陳光表女甲玉性至孝年十四值其父患疫垂斃甲玉虔禱於神願以身代父死其夕夢三卒持牒前曰昔爾父以母病請以身代母死今其算適盡而爾又請代父死不得少延矣遽驚起白于祖母不使其父知而逝

貴池章文之妻楊氏年二十四守節事孀姑歷五十餘年歿

貴池史議妻房氏歸議財六年而議歿守節撫孤至生一孫而孤又歿又撫其孫共五十年備歷艱苦崇禎六年詔旌之

青陽甯成皎妻陳氏年二十七喪夫撫子士望長賈江西道卒媳曹氏亦年二十七聞變即與姑永訣自經陳氏惇惇獨守四十年而歿族黨稱為姑貞婦烈云

青陽孝廉甯三聘繼室陳氏年二十五生子雲會甫二歲妾李氏年二十二生子仲升甫四歲而夫亡偕守節鞠子至八十餘歿

青陽孫鴻祉妻陳氏幼通列女傳習婦儀適鴻祉數月而寡矢不二志立嗣守節終其身

青陽徐正用妻李氏年十八夫亡無子家甚貧父母勸

之改適氏乃斷髮剔目以矢無他居恒爲人春織至七十歿

青陽陳自登妻施氏年二十夫客死即欲以身殉家人守之得不死乃自閉一室不踰闕者五十年子士妹未冠亦客死媳施氏亦守志終其身里人謂之一門雙節青陽章廷鈞妻潘氏年二十夫亡守志其伯欲奪之氏斷髮髻面訴宗祠卒守節至八十餘歿

青陽甯成績妻曹氏年二十七守節孝事其姑撫二子成立時稱之

青陽庠生甯三鳴妻徐氏年二十二守節事孀姑撫孤子備極慈孝當道交旌之

青陽甯三鼎妻陳氏年二十守節養翁姑撫幼子人皆歎其苦節賢行

青陽庠生王端揆妻吳氏方伯冢孫婦也年二十夫亡屏絕鉛華足跡不踰闕外撫遺孤以終其身焉

青陽徐正志妻杜氏年十九孀居事舅姑撫遺子人稱其苦節

青陽甯一麟妻葉氏年三十守節撫孤餽粥不給歷四十年歿

青陽陳自葵妻唐氏年二十守節撫孤勤織紝以自給

其後漸致饒益猶時以儉約訓子孫焉

青陽蘇澄妻汪氏年二十餘值夫承東莞卒官又構家難氏守苦節百折不回至七十四歿

青陽庠生諸大箴妻劉氏值夫亡託幼子於其伯與姑泣血六日而歿

青陽柯鳴國妻吳氏年三十夫亡守志孝事其姑姑病刲股進之而日夜紡績以供訓子用後歷百歲子孫六代侍膝前人以為苦節之報云

青陽章文秀妻倪氏早寡力勤紡績以孝事其姑後喪明至七十二歿邑旌其節孝

青陽章炳妻李氏年二十七夫亡止一子在襁褓或勸之改適氏曰一家三世止此一綫若失母不斬厥祀邪卒撫孤守節以終

青陽章國紳妻陳氏年二十守志撫三歲孤至八十歿郡邑旌之

青陽陳自兼妻甯氏年十八守節撫孤以歿

青陽沈天祥妻江氏年二十守節至七十五歿

青陽陳明尚妻何氏素孝年二十四守志撫孤至老一節將歿自歎曰今而後幸得完矣族黨莫不嗟歎之

青陽陳明煌妻熊氏年二十守節撫其孤萬春娶甯氏

生子疇而萬春又早夭熊與甯相依同矢柏舟五十年
邑人有雙節之目

青陽徐希彥妻畢氏年十八守節撫遺腹子俟升長授
室生子而俟升夭又撫其孫鍾麟至九十歿

青陽方宣時妻江氏年二十餘守志事九十之翁撫四
齡之子備極艱苦至老勿渝鄉黨咸欽其節

青陽沈復一女年十四適施氏子以貧去爲僧數載不
返女年至十九翁姑欲嫁之女急還母家服毒死

青陽庠生王維緒妻施氏年二十守節撫二孤成立邑
人稱之

青陽羅尚元妻姜氏年二十五守節撫孤雲達成進士
至八十二歿

銅陵謝登祥妻章氏年二十喪夫斷髮矢志歷守四十
餘年縣令旌以粟帛

銅陵余繼遷妻張氏幼通班大家女誠及笄適繼遷而
寡苦節撫孤孤生子而卒又偕其媳撫遺腹孫以終焉

銅陵余觀妻某氏年二十二守志事繼姑撫孤子歷四
十餘年終

銅陵張惟揚妻周氏年二十餘夫亡無子矢志不渝時
其似有身即訂以爲嗣及生撫以爲己子歷八十二歲

終

銅陵袁洛妻陸氏年二十四守志撫孤至八十歿

銅陵王萬民妻何氏年二十四守節至七十餘歿

銅陵錢麟妻丁氏年十九守節撫孤至七十終

銅陵崔啓弼妻王氏年二十四守節至七十歿

銅陵陳撞妻王氏年十七守節至六十七終

銅陵張一國妻袁氏年二十一守節至終其身

銅陵余心浩妻汪氏年十七夫亡撫屍躡踊觸柱死

銅陵余澆妻吳氏年十六守節至九十七歿

銅陵余學才妻陳氏年十九守節至九十餘歿

銅陵余九魁妻陳氏年二十餘守節二十餘年備嘗艱

苦歿

銅陵袁應聘妻王氏年二十二守節奉姑鞠子至七十

三歿

銅陵周允新妻丁氏年二十七守節撫其孤成立歿

銅陵何元文妻徐氏年二十守節撫一歲孤學孟至長

娶媳余氏而學孟復卒偕媳余氏同撫其遺腹孫至長

以延一綫鄉黨稱之

銅陵王三綱妻章氏年十九夫亡無子家甚貧而守節

事翁姑終大事至老而歿

銅陵何一經妻胡氏年二十四夫亡子夭斷髮誓守至六十歿

銅陵丁應昂妻胡氏年二十五守節至五十歿

銅陵余對妻丁氏年二十餘守節四十餘年訓子成立歿

銅陵胡自墳妻孫氏年十七夫亡無子即常閉一室衣不改素以終其身

銅陵崔德美妻蕭氏方夫病割股以進及歿守節終身
銅陵余一鳴妻甯氏孝廉三兼女而孝廉翹子婦也素能執婦道年二十七喪夫一孤止九歲苦節支持不墜
先業踰七十而終

石埭陳紹芳妻李氏結褵未百日而夫亡堅志守節至八十九歿

石埭蘇有慶妻陳氏值夫病成婚甫數日夫卒乃堅志守節數十年臨歿出餘資歸其翁以爲贍老用時稱其節孝

石埭胡道德妻汪氏年二十五守節撫孤子事舅姑茹苦四十餘年年六十七歿

石埭庠生桂遠可妻李氏年二十二守節至八十五歿
石埭庠生胡應聘妻桂氏年二十夫亡無子家極貧剪

髮誓守節以老

石埭沈應栗妻高氏年十九守節足不踰閭而孝事翁姑訓子至成名年八十九歿

石埭沈應拭妻李氏年二十守節事翁孝鞠遺腹子食貧至九十三歿

石埭湯之聘妻蘇氏年十八喪夫無子止之幼叔撫之長以承宗祀而氏荼苦八十年歿邑旌之

石埭蘇仁賓妻徐氏適仁賓甫二載仁賓病將革氏悲痛先自經有司上其事詔旌之

石埭少尹施珊妾汪氏年二十守志撫子大榮將仕卒氏勵苦節至七十終

石埭庠生桂一羨妻吳氏夫邁奇疾刲股進之立愈既而姑疾篤亦刲股進之姑疾亦瘳里黨稱其賢孝

石埭陳遠煌妻楊氏年二十二喪夫守節撫其兩子未幾次子殤依長子至七十長子又死無嗣氏哀號悽愴至八十三乃歿

石埭庠生桂明禎妻曹氏年二十二守節撫孤歷四十餘年歿

石埭湯世耀妻沈氏年十六歸世耀舉一子而世耀病

侍湯藥三年世耀卒子亦殤氏矢守節巡按旌之

石埭庠生沈明擢妻甯氏年十九喪夫守節至五十二
歿子德載

石埭桂士翼妻吳氏年十四嫁三月而夫亡截髮納夫
棺中誓無他志遂朝夕侍姑膝前姑病割股進之歷五
十五年而歿

石埭陳階妻沈氏年二十二守志撫孤歷二十五年邑
旌其節

石埭庠生陳自立妻楊氏年二十四喪夫有孀姑所生
止一女乃悉散其家貲于族人僅存田數畝奉姑薪水
苦節至七十而歿宗黨莫不服其明見

石埭儲尚錦妻林氏年二十守節撫孤歷四十餘年歿
石埭沈德望妻胡氏年二十四守節猶竭力奉翁膳鞠
子及受室死又鞠孫至七十而歿

石埭沈明德妻陳氏年十九其夫出不歸遂守貞至七
十而歿

石埭沈世日妻胡氏年二十六守節撫妾出二子至七
十餘歿

石埭庠生沈羽明妻李氏年二十一守節至六十一歿
石埭李應春妻蘇氏年二十一守節至六十八歿

石埭陳一教妻趙氏年十九守節至六十三歿

石埭孫良珠妻沈氏初爲夫納妾生二子天其一及年三十夫亡撫其子長授室生孫而子死又撫孫至長授室生曾孫二人而孫歿氏又撫兩曾孫至八十六終石埭吳臣妻桂氏性至孝佐夫事兩世翁姑能竭力後臣卒氏侍姑病割股瘳之邑人稱其節孝石埭庠生桂一秀妻萬氏見逐于其嫡父母欲改嫁之以孕辭及生子不育父母復強之遂自經且曰願以屍還桂家聞者莫不敬歎

石埭贈 卿蘇瓊妻舒氏隨夫任瀘州崇禎 年已入舟東歸矣聞夫殉國亦自刎死事聞贈淑人建坊旌表

石埭楊一衡妻方氏年二十八夫亡止一女必欲守節極貧輒不舉火人餽之食輒不受遂飢寒以死沈大展妻章氏方夫病兩割股以進不瘳卒泣血斃死人以撫孤勸之乃扃戶不出終其身

石埭解元桂伸妻周氏揚州人崇禎十三年夫亡京邸櫬過揚州即長慟扶歸里托其子於嫡不食數日死建德徐文中妻阮氏年少守節撫孤至於老詔旌之建德徐致通妻余氏夫病籲天願以身代及將革引刀刺骨與夫同日死詔旌之

建德鄭可學妻童氏年二十一守節竭力奉翁姑至七

十一歿縣旌之

建德江大心妻胡氏年二十守節撫孤子棖長娶劉氏而棖亡劉亦守節孝事其姑至七十劉年亦五十人稱其節孝

建德官生李燭妻柯氏早寡守節四十年如一日

建德庠生金學文妻柯氏年十九婚五月而夫亡截髮誓守終其身後奉翁訓嗣子至八十三歿

建德吳宗軻妻徐氏年十八守節撫遺腹子至九十一歿邑屢旌之

建德庠生柯種妻江氏性至孝父大虬病嘗齧天封進之及嫁孝事其姑姑歿哀慟成疾而卒

建德檀應暘妻洪氏幼通書史及寡年尚少悉焚筆硯閉一室守節至六十餘歿

建德胡其朗妻黃氏年二十五喪夫同妾王氏年未二十偕守節歷五十年以終

建德金學儋妻汪氏年二十守節至六十歿

建德檀俊賓妻金氏年二十一守節訓子至六十餘歿

建德江大載妻歐氏年二十九守節四十餘年餽粥不給而撫四子俱成立族黨稱之

建德檀魁妻金氏年方少夫病指其腹曰若生男善育

之生女聽遂解佩刀與之既而生女乃號哭不食數日引刀自刎既殊猶僵立不仆云

建德南原鄭氏女字於陳未婚而夫夭女欲赴陳氏守節奉孀姑父母止之女恟恍思慕遘疾而亡鄭太宰三俊爲之作貞女傳

建德王節妻洪氏未婚而節病痿辭洪聽改適女不可及父服闋年已二十一矣即辭母歸于王事節十三年先節歿鄭冢宰三俊爲之作女士傳

建德方有淑妻金氏夫亡從容拜舅姑自刎死

東流章時舉妻吳氏年十九守節至五十歿

東流章美宣妻檀氏年十九守節至六十餘每歲掃夫墓必泣下見者歎之

東流周儀文妻江氏年二十四守節歷三十餘年邑旌之

東流高有爲妻徐氏年十九守節至老里人莫不稱之東流陳大奇妻馮氏年十七于歸夫即嬰痼疾侍湯藥踰年夫卒即坐臥小樓至老不一下其婢亦不嫁相依至沒齒人奇之

東流吳思正妻汪氏初勸夫納妾生子未幾夫亡守節課子終其身

貴池葉自齊妻包氏年二十餘夫亡守節崇禎十六年左兵入其邨率子婦陳氏章氏胡氏同赴水死

貴池曹世榮女靜娥年十五未字左兵猝至其邨世榮與娥出避兵爲所執娥給之曰苟脫吾父吾當從爾以行兵於是釋世榮娥即大罵求死兵以刃脅之罵益厲有一嫗從旁叩頭勸屈節娥不顧罵不絕聲遂遇害劉城爲之傳其事

貴池農鮑三妻胡氏左兵至出避江通山遇兵逼汙之氏抱樹大罵兵斷其左手不動又斷其右手卒不動乃殺之

貴池徐灝妻譚氏左兵至其姑包氏爲所縛氏以簪珥求釋之而以身隨至龍潭山投急湍中死

貴池朱之相妻吳氏爲左兵執至營已夜欲汙之氏大罵被支解死

貴池杜鉉妻章氏偕其夫爲左兵所執逼汙之給曰夫在不可兵於是釋其夫復逼汙之復給曰野中見天日不可乃以之入林過一池躍入水死

貴池陳堯中女小妹年十六避左兵於古廟中被執逼汙之小妹曰頭可斷身不可汙也乃被屠斬而死

貴池陳堯廷妻孫氏避左兵山中聞夫與子俱被害出

視之猝與兵遇不屈劈腦死

貴池章謨妻柯氏年二十一與姑俱爲左兵所得哀懇釋其姑乃厲聲罵賊投溪水死

貴池庠生吳道泰妻孫氏負子出避左兵於洪埠嶺遇賊不辱投嶺下深塘死

貴池杜宣妻菊花不爲左兵辱罵賊死之

貴池楊邨程婦傅氏遇左兵不辱投塘死邨人至今祀之去塘數百步又有鮑氏俞氏等五人同時死橫塘亦最烈

貴池吳森妻陳氏宗禎末被兵不辱斷頸死

貴池朱正洪妻許氏孀居教子宗禎末避亂山中爲叛兵所執不屈死

貴池程宗尹妻吳氏果妹年十三爲左兵執去不辱死
貴池陳璧妻程氏自二十一寡居足不踰戶及左兵掠城中同姒鼎卿妻江氏各捉一刀出避于雲冠山俱死
亂棘中賊退覓其屍手握刀如生時

貴陽王富妻黃氏遇左兵抱子投池中賊挽起之大罵被殺死

貴陽章召妻徐氏遇左兵抗節不辱被刃斷喉死

貴陽徐清妻王氏方有身避左兵叢棘間爲所得不辱

被刳腹破孕而死

青陽汪炳妻章氏崇禎末侍姑避亂山中賊猝至執其姑索貲裝氏救姑趨出因釋姑執氏就道過山曲一巨池溺焉賊捨去其族人趨救之氏謝曰女子豈可待援於人手乎遂趨入深水死

青陽朱文傍妻某氏遇左兵躍入溪水死賊退其夫從石崖下得其屍色膚經旬不變

青陽庠生王應鳳妻羅氏在銅陵同夫攜子避左兵出經石子岡一池畔賊猝至呼其夫亟行與子俱抱石投池水死後二旬得屍顏色猶如生云

青陽庠生孫廷祚妻包氏弟選貢遠祚妻熊氏子庠生睿妻柯氏同避左兵出至橫橋山莊賊猝至三人同赴莊後池中死賊退三屍浮水面猶相挽不解顏色如生云

青陽郭應春妻江氏年二十一孀居左兵至攜子女出避一巖下自縫其袿襖甚密及兵至遂抱女躍入巖下水中其子亦哭母而斃三日得其屍猶僵立不仆云青陽沈有來妻程氏與鄰婦裴氏同避兵山中相約曰苟事急惟有一死斷不可辱也及賊至俱被執程先投赤泥山池中死裴後投馬家壠池中死

青陽何應華妻孫氏桂芳自十八歲喪夫守節奉姑歷
五載而左兵至被驅就道乃痛哭辭姑投池水死

青陽熊士章妻張氏攜幼子出避左兵猝遇賊逼汙之
大罵不從脅以將殺其子愈罵不絕口賊怒先斷其手
足而復將氏母子並夾以二箕投烈火焚其屍而去

青陽熊遠魁妻包氏與夫同為左兵所執夫被殺氏乃
攜二女俱投河水死

銅陵崔啓弼妾奚氏自十餘歲同嫡王氏守節至六十
遇左兵赴水死

銅陵余日智母張氏妻丁氏同避左兵于一洞中
二人各解膝帶自經死

章國藩妻張氏崇禎十六年遇左兵不屈傷其兩
臂十七年又遇左兵給脫縛攜幼女赴水死

銅陵李應勳妻葉氏避左兵山中不辱賊脅殺其子氏
即前觸血刃死

銅陵庠生余應泰妻葉氏早寡育其二子左兵至欲犯
之不可殺其所抱一孫拽氏倒必不可又殺其一子氏
起大罵前觸刃而死

銅陵章日昌妻鍾氏早寡孝事姑撫遺腹子以居其室
一日左兵至奉姑出避并遇賊欲犯之躍入水賊挽之

起驅行至火次復躍入火焦灼其皮肉賊始捨之
銅陵汪有源妻胡氏方左兵至攜女出避被執給至一
巨池躍入死

銅陵徐鼎祥妻陳氏方左兵至攜幼子避山間被執投
道旁深池中賊援起復逼之大罵引頸就刃而死

銅陵朱宗妻 氏同弟婦劉氏及二女避左兵俱投
水死

銅陵余繼懋妻 氏年二十二孀居挈孤避左兵與兵
遇不屈觸石死

銅陵國學部一仁妻 氏遇左兵投池水死

銅陵余儒道妻 氏年二十三遇左兵不辱溺水死

銅陵丁學大妻朱氏挈幼子遇左兵被執俱觸刃死

銅陵丁應運妻 氏避兵抱幼女投永沖灘塘

銅陵庠生鍾思兼妻葉氏攜女連弟婢茶秀避左兵于
西湖賊突至驅之行大罵不辱賊怒刺之數十刃而後
絕吭死女與婢俱罵賊隨死

銅陵學博謝天寵妻余氏妾藕氏
銅陵謝與師妻余氏
銅陵庠生謝升妻余氏
銅陵謝雲妻葛氏

銅陵謝岩妻殷氏

銅陵拔貢戴君榮妻孫氏

銅陵庠生余遂妻張氏

銅陵楊福妻張氏

銅陵余繼商妻章氏

銅陵余心鏡妻陳氏

銅陵劉得志妻方氏俱不受兵辱而死者

建德江棠女巽容隨母避左兵山中猝遇賊欲汙之大罵躍入潭水賊怒攢刃刺之潭水盡赤

建德姚時中妻柯氏爲左兵掠去不辱自刎死

建德馮時得妻鄭氏早寡爲賊掠去不辱被殺

建德柯鳳吉妻鄭氏避賊井頭山賊欲汙之不屈先殺其子罵益厲遂遇害

建德童氏女冬妹方十五爲賊劫赴火死

建德庠生江永祐妻馮氏城陷恐爲賊汙赴井死

建德童承禧妻徐氏爲賊執給脫抱幼女赴池死

建德洪圖妻趙氏爲賊驅入營不行躍入水死賊刃其屍

建德徐正陽妻陳氏爲賊逼不從見害

建德洪圖福妻檀氏守節二十年遇賊投池死

建德劉牛女有姿容遇賊逼汙之行至塔兒嶺投深淵
死賊怒索其尸於下流支解之

建德王一女遇賊不辱投視田灣水死

東流庠生黃如斗妻王氏早寡自矢守節左兵陷縣城
強之行不從遂遇害

東流高日早妻張氏遇左兵被執罵賊投井死

東流方堯春妻吳氏方年二十即守節及左兵陷邑城
脅之行躍入江水死

東流金娥字黃雲起未嫁值左兵陷縣城逼登舟罵

遇害

呂遴魁之女婉姑適副舉章廷芳胞弟章廷訪生
女至三十無子遂出簪珥勸夫娶妾好行其德有告
者頗施不厭視猶子不啻所生妯娌永無猜隙奉養
乃姑與廷芳妻孫氏孝敬備至舅姑年邁寢食不能自
如氏晝夜服侍不間寒暑衣不解帶至今有賢孝之稱
貴池杜尚忠妻高氏年二十四喪夫守節事孀姑撫五
歲孤子茹苦六十餘年至八十八歿

青陽人林大陞妻錢氏年二十守節撫孤事翁姑以孝

著

貴池呂先讓妻吳氏年十八携二子避尖山遇左兵被

執不辱就刃而死

貴池章國策妻熊氏年十八夫亡撫孤事舅姑年七十
四邑令以松筠勁節旌之